

A2<sup>r</sup>

---

Der Hochwolde  
gebornen Frawen/ Frawen  
wen Jochalene/ Gräfin von  
Schwartzenberg Wittib/ Gebor-  
te Freyin von Welfchneburg/ 7c.  
Meiner gnädigen Frawen/ Gött-  
lichen Segen/ Heyl/ vnd  
alle Wolfart.

Hochwolgeborne/ gnedige  
Fraw Gräfin/  
wann ich zu Gedächtnis  
muß führe/ was bey E. G. für  
ein schöne Anzahl vnd Vorrath/  
lauter außerleßner Geiftlicher  
Bücher ich gefehen/ empfinde  
ich alß bald ein folche Beweg-  
A ij nuß/

A2<sup>v</sup>

---

## Vorred.

muß/ das ich wûnfchen wolte/  
alle hohe vnd adeliche Heußer/  
weren mit dergleichen Rûft<sup>z</sup>  
vnd Kunftkammern verfehen.

Solliche E. G. Geiftliche  
Waffenfchafft vnd Liberey/ wo  
mit zumehren/ jedoch zuehren/  
hab ich die Tag herumb/ difes  
kleine Bûchlin deß heiligen vr<sup>z</sup>  
alten Lehrers/ Bifchoffs/ vnd  
Martyrers Cypriani zuuer<sup>z</sup>  
teutfchen für mich genommen/  
vnd mir gar keinen Zweifel ge<sup>z</sup>  
macht/ E. G. werden folchem  
vnder jren Schatzbûchern gar  
gern ein Oertlein vnnd Stelle  
vergunnen.

Verhoffe auch/ wie klein es  
immer ift/ werde es doch nicht  
klei<sup>z</sup>

A3<sup>r</sup>

---

Vorred.

kleinen/ fonder groffen Nutz  
schaffen/ in deme es allen Men-  
schen vnd Ständen/ allen Or-  
ten vnnnd Enden/ allen Zeiten  
vnnnd Leuthen/ von dem heili-  
gen Cypriano zu einem siche-  
ren Gewiffen/ vnnnd vnfelberen  
Troft/ vermeint vnd hinderlaf-  
fen worden.

Wann auch von difem Troft  
wider allerhand Zuftånd vnd  
den Todt felber/ nichts kan ge-  
fagt werden/ daß nit vberflüß-  
fig in difem Büchlin begriffen/  
Als wil fichs gebüren/ das ich  
diß Orts den Finger auff den  
Mund lege/ vnnnd den heili-  
gen Mann Gottes reden laß-  
fe.

A iij      Gott

A3<sup>v</sup>

---

## Vorred.

Gott gebe/ daß nach E. G.  
vnnd dero beywohnenden Ge-  
spilen/ löblichem Exempel/ vil  
taufent/ ja glat alle Menfchen  
mit gleicher Fürfichtigkeit/ vor-  
bereitung/ vnnd hertzhaftem  
Gemüht wider den Todt/ fich  
ftaffirt vnd gefaßt machen/ da-  
mit/ wañ er kombt/ wie er kom-  
men muß/ er jhnen kein Schre-  
ckēgalt/ fonder ein lieber Gott-  
willkom fein möge.

E. G. famp den Jrigen/ be-  
uilche ich in den Schutz vnnd  
Schirm deffen/ d<sup>9</sup> auß Waller  
Wein/ auß dem Todt lauter  
Leben/ Frid/ Freud/ Sicher-  
heit/ Seligkeit/ vnd auß nichts  
aues machen kan/ vnnd fagen  
darff/

A4<sup>r</sup>

---

Vorred.

darff/ Wer an mich glaubt/ der  
wirde leben/ ob er schon geftor  
ben wäre. Datum Jngoltatt/  
an vnfer lieben Frawen Ge  
burts Tag/ Anno 1613.

Ewer Gnaden

vnwürdiger Diener

Conrad Vetter.

A iij      CYPRIA